

松江府志卷二

疆域志二

道里

松江府在江蘇布政使司東南一百六十里在江寧府東

南六百二十里

大清一統志

東西距一百六十里

宋楊潛雲間志元徐碩至元嘉禾志明顧清府志竝同

國朝雍正江南通志一百八十里

南北距一百五十二里

雲間志嘉禾志顧志竝一百七十三里郭廷弼府志同

松江府志

卷一

疆域志

道里

視元時減袤之二十一里割隸於武塘故也

東至大海一百里

太平寰宇記秀州東至大海二百一十里華亭在東一

百二十里雲間志嘉禾志竝八十里顧志明一統志江

南通志竝同

案今府境東西距一百六十里今增新漲海灘三十

里舊稱東至大海一百里者今應云一百三十里

西至蘇州府元和縣界六十里

雲間志嘉禾志竝西至長洲縣八十里顧志西至蘇州

府長洲縣六十里到吳江縣一百六十里明一統志與

顧志同郭志西至蘇州府長洲縣界六十里

案西至蘇州府長洲縣界六十里今應云元和縣界六十里

南至金山城濱海七十二里

雲間志南至大海九十里以小官浦爲界嘉禾志南至海八十里顧志南至金山衛七十二里明一統志南至海岸七十里郭志同

北至太倉州嘉定縣界八十里

雲間志嘉禾志明一統志竝北至崑山縣界八十里顧志北至蘇州府崑山縣吳松江北岸界八十里到崑山

松江府志

卷一

疆域志

二

道里

縣一百三十里郭志同

案府境南北距一百五十二里南至濱海七十二里北自府城北門外通波塘直北至朱墅浦越吳松江至太倉州嘉定縣界八十里舊稱至崑山縣界八十里者誤

東南至奉賢縣濱海一百十里

雲間志東南到明州界九十里嘉禾志在海中餘與雲間志同顧志東南到青村千戶所一百十里郭志與顧志同

西南至楓涇鎮浙江嘉興府嘉善縣界五十四里

雲間志西南至海鹽縣界六十里兩縣相去一百二十里嘉禾志與雲間志同顧志西南到嘉興府一百二十里郭志西南至嘉興府嘉善縣界二十七里

案府境西南至楓涇鎮入浙江嘉興府嘉善縣界五十四里舊稱至嘉善縣界二十七里與今道里不合婁志五十四里似爲得之

東北至高橋界浜太倉州寶山縣界一百八里

雲間志東北至平江府崑山縣界一百一十里嘉禾志東北至平江路崑山縣界一百二十里兩縣相去一百三十二里顧志東北到蘇州府嘉定縣界一百三十里

松江府志

卷一

疆域志

三

道里

雍正通志東北至太倉州嘉定縣界一百八里

案今府境東北至高橋與太倉州寶山縣接界一百八里舊志稱嘉定縣界者今屬寶山

西北至蘇州府崑山縣界八十里

雲間志西北至平江府崑山縣界一百五十里兩縣相去二百里嘉禾志與雲間志同顧志西北至蘇州府崑山縣一百八十里雍正通志西北至蘇州府崑山縣界八十里

自府治至

京師二千九百五十里

案舊志稱三千八百二十五里

川沙撫民廳在府東北一百二十里

東西距三十里南北距二十八里東至川沙窪濱海一十二里西至橫沔港南匯縣界一十八里南至高橋上海縣界一里北至高行鎮上海縣界二十七里東南至開禧橋南匯縣七團界半里西南至瞿家港南匯縣界六里東北至上寶界牌上海寶山兩縣界三十六里西北至王家港綠雲庵南匯縣界八里至陸家行上海縣界二十四里

華亭縣附郭東西距一十三里南北距七十七里

松江府志

卷一

疆域志

四

道里

顧志元華亭縣東西一百五里南北一百十六里明華亭縣東西七十八里南北一百二十六里

案以上乃已分上海之境其東西廣袤未符不得其說陳志華亭縣廣一百八里袤一百二十六里建青浦後廣七十八里袤八十一里郭志華亭縣廣七十八里袤八十一里建婁縣後廣袤率減其半案又分奉賢縣其廣袤之數今邑志不詳

東至語兒涇上海縣界一十二里

通志華亭縣東一十八里至語兒涇上海縣界邑志東至語兒涇上海縣界十二里

西至谷陽門婁縣界一里

通志西一里至府城西門口婁縣界邑志西至谷陽門  
婁縣界五里

南至青龍港濱海金山縣界七十二里

通志南七十二里至金山衛城金山縣界邑志南至海  
七十里

北至五里塘婁縣界五里

通志北五里至五里塘婁縣界

東南至陸典橋東奉賢縣界二十一里

西南至鄉界涇南金山縣界一十二里

松江府志

卷一

疆域志

五

道里

東北至華涇上海縣界五十二里

西北至采花涇婁縣界四里

奉賢縣在府東九十里東西距七十九里南北距四十九  
里

東至五墩涵水廟南匯縣界二十五里

西至望湖涇華亭縣界五十四里

南至大海一十三里

北至顧望塘南匯縣界三十六里

東南至翁家港南匯縣界三十餘里

西南至阮巷鎮華亭縣界六十里

東北至盛家橋南匯縣界一十八里

西北至虹橋華亭縣界六十四里

案奉賢縣志疆域四至與縣境全圖無一合者其稱東至南匯縣城五十里乃兩縣治相距道里非兩境相接之所南至柘林城五十里亦越華界西至虹橋七十二里非僅方向與圖不合而道里又與市鎮所載不同北至南匯縣界二十七里不載地名四維又闕略今采縣境全圖參考市鎮各門及邑中耆獻互證而補之

婁縣附郭東西距一十八里南北距三十里

松江府志

卷一

疆域志

六

道里

邑志婁縣廣四十餘里袤一百里

案此以斜袤言也若從府志四正而言當是東西距十八里南北距三十里方合

東至華亭縣界一里

郭志東卽府城與華亭分界

西至青浦縣界十八里

郭志西至泖湖口青浦縣界一十八里

南至西浦江華亭縣界十二里

郭志南至金山衛七十二里

北至塘橋鎮青浦縣界一十八里

郭志北至塘橋鎮青浦縣界十五里通志北十八里至

塘橋鎮福泉縣界

今青浦界

東南至塌水渡華亭縣界一十二里

東北至七寶鎮上海縣界四十五里

西南至楓涇浙江嘉興府嘉善縣界五十四里

西北至鍾賈山青浦縣界二十七里

金山縣在府南七十二里東西距九里南北距六十六里

邑志東西廣四十五里南北袤六十三里

今據下文南北道里更正

東至華亭縣界一里

邑志城內東屬華亭西屬金山今署東即華亭界

松江府志

卷一

疆域志

七

道里

西至海塘江浙界牌浙江嘉興府平湖縣界九里

通志西至商蕩橋浙江平湖縣界九里

南至大海三里

北至金雞浜婁縣界六十三里

通志北接華亭縣界

東南至青龍港濱海華亭縣界四里

西南至白沙灣濱海浙江嘉興府平湖縣界一十二里

邑志西南至平湖縣乍浦城四十里

案縣境圖橫泖長泖間已與平湖分界何以云至乍

浦城也當是西南至白沙灣濱海平湖縣界一十二

里

東北至鄉界涇華亭縣界三十九里

西北至如塘婁縣界五十七里

上海縣在府東北九十里東西距八十六里南北距八十四里

顧志元上海縣東西四十八里南北距一百里張之象

上海縣志上海縣舊廣一百六十里今八十六里南北

袤九十里

東至高行市川沙撫民廳界三十里至海五十里

通志東一十八里至龍王廟南匯縣界

松江府志

卷一

疆域志

八

道里

西至諸翟鎮太倉州嘉定寶山界四十里至七寶青浦縣界三十六里

南至閔行鎮奉賢南匯縣界七十二里

通志南七十二里至語兒涇華亭縣界

北至嚴家角太倉州寶山縣界十二里

通志北一十二里至分水龍王廟太倉州寶山縣界

東南至羅王廟南匯縣界十里至蘇家橋四十里

邑志東南匯縣界十里至四十里不等

東北至高橋鎮太倉州寶山縣界三十六里

西南至長橋南市華亭縣界二十四里



邑志西南至華亭縣界二十四里至八十里不等

西北至華漕市太倉州嘉定寶山縣界三十里

邑志西北至柵橋嘉定縣界三十里

南匯縣在府東南一百二十里東西距九十里南北距七

十三里

東至海三十里

西至黃浦上海縣界六十里

南至新場鎮南奉賢縣界二十四里

北至高橋川沙撫民廳界四十九里

邑志北至上海縣境六十餘里

松江府志

卷一

疆域志

九

道里

東南至大漊口濱海三十里

東北至七團海岸川沙撫民廳界五十里

邑志東北至九團海岸五十餘里

西南至千步涇華亭縣界八十四里

西北至周浦塘上海縣界七十里

邑志西北至上海縣界七十餘里

青浦縣在府西北五十四里東西距九十九里南北距五

十五里

縣志稱九十五里今據下文  
東西道里易之南北仿此

王圻青浦縣志東西廣九十里南北袤七十里王昶邑

志青浦縣至府五十五里東西廣九十里南北袤七十

里

東至七寶鎮上海縣界五十四里

西至執同港口蘇州府元和縣界四十五里

郭志西至澱山湖長洲縣界四十二里

案長洲今改屬元和縣澱山湖北屬崑山縣南屬青浦若湖之西境則青邑尚有一十三畝由汲水港直西至執同港口始與元和縣分界

南至鳳凰山東婁縣界二十里

北至安亭港太倉州嘉定縣界三十五里

郭志稱北至白鶴江誤

松江府志

卷一

疆域志

十

道里

東南至泗涇婁縣界四十里

通志東南至泗涇鎮婁縣界四十一里

東北至楊林寺太倉州嘉定縣界五十四里

案舊稱與上海連界誤

西南至金澤鎮西蘇州府吳江縣界四十五里至四十一

保嘉善縣界四十里

案金澤鎮西接吳江南連嘉善與嘉善連界者爲四十二保四區三十三畝之南王池家港一區三十畝之謝家灣東伐圩與吳江連界者亦爲四十二保五區三十四畝之揚都西灣縣志稱四十五里及四十

二保二區云云皆誤

西北至石浦鎮蘇州府崑山縣界三十六里

形勝

南幹分龍滄溟獨盡枝龍結秀突乳稱奇

地脈賦

松郡自南龍分派以天目少祖連岡疊阜之勢斷落平疇遇海而止從浙入者循海塘起北簞山從吳閭入者渡湖水起澱山累累數峯孤秀清立人文甲於中原有由然矣

後宸九峯前襟黃浦大海環其東南長泖繞乎西北

川流繡錯則壤稱腴

松江府經圖

水出震澤道經松江東北入海地富林民素饒漁鹽之利

松江府前志

松江府志

卷一

疆域志

十一

形勝

東南瀕海無崇山疊嶂坦然如砥數百里閒水光接天仙

禽唳野

宋廖兼修華亭縣學碑

三江之湊實為五湖地脈四達衍為松江

宋程俱松江賦

川原沃衍有陸海之繞珍異所聚商賈竝湊

吳郡志

水淖而清山孺而淨

九域志

負海枕江平疇沃野

宋魏了翁華亭學記

松江水國之勝東江遶其南吳松附其北合流踰口以入

海實七郡之關鍵

水利考

雄襟大海險阨三江引閩越之梯航控江淮之關鍵蓋風帆出入瞬息千里而錢塘灌輸於南長淮揚子灌輸於

北與松江之口皆輻列海濱互為形援津塗不越數百里間而利害所關且半天下然則郡豈無事之地哉且居嘉湖之肘腋為吳郡之指臂往者倭寇出沒境內而浙西數郡皆燎原是虞謂郡僻處東南惟以賦財淵藪稱雄郡者非篤論也

讀史方輿紀要

鄉保

唐華亭縣管二十二鄉

吳地記

按崇禎松江府志云華亭在唐時二十二鄉分隸於嘉善崑山而減其九分割之時今不可攷

宋華亭縣管十七鄉

太平寰宇記

元豐間管十三鄉

元豐九域志

松江府志

卷一

疆域志

十二

鄉保

按雲間志云祥符圖經九域志竝云十三鄉攷縣之諸鄉竝同其後嘉禾志顧志所載鄉名均與今合

元至元二十九年割華亭縣五鄉二十六保置上海縣

明嘉靖二十二年割華亭縣一鄉上海縣三鄉凡十四

保置青浦縣隨廢逮復置時又益以華亭之集賢鄉

上海新江鄉之未盡者

陳志參青浦縣王志

國朝順治十三年分華亭縣二鄉又四鄉地置婁縣

雍正二年分華亭縣二鄉地置奉賢分婁縣一鄉及

四鄉地置金山縣分上海縣一鄉置南匯縣分青浦

二鄉地置福泉縣

乾隆二年福泉縣裁北亭新江二鄉地併入青浦縣

嘉慶十年分上海縣高昌鄉南匯縣長人鄉建川沙  
撫民廳

華亭縣管五鄉十二保地區凡二十有九圖凡一百  
九十有一

奉賢縣管二鄉四保地區凡一十有八圖凡一百四  
十有七

婁縣管四鄉十保地區凡二十有八圖凡一百八十  
有三

金山縣管四鄉七保地區凡二十圖凡一百二十有  
四

松江府志

卷一

疆域志

十三

鄉保

上海縣管二鄉十二保地區凡二十有七圖凡二百  
一十有四

南匯縣管一鄉四保地區凡二十有五圖凡一百五  
十有三 附場團七 一團 二團 三團 四團

五團 六團 七團

川沙撫民廳管二鄉三保地區凡七圖凡二十有五  
附場團二 八團 九團

青浦縣管六鄉九保地區凡五十有二圖凡二百一  
十有三

十三鄉分隸表

	國朝	唐	吳越	宋	元	明
集賢鄉	華亭縣 管三十九保區三 畧十一四十保區一畧一	華亭縣	華亭縣	華亭縣 在縣西北二 十里三保 五村 管里四 集賢 萬安 美賢 清德	華亭縣 至元嘉禾 志同上	華亭縣 管三十八三十 九四十保 青浦縣 管三十八三十 九四十保 二舊里四 村五 富順 興霸 安榮 安平 新成 按青浦分 縣時將三 十八保改 附修竹鄉
顧陸諸賢居此故名	婁縣 管三十八保區四 畧二十三三十 九保區二畧九					
金山縣	管四十保區二畧 五					
青浦縣	管三十八保區五 畧二十五今名 華中鄉					
松江府志	華亭縣 管三十六保區七 畧五十四 三十七保區一 畧一十九	華亭縣	華亭縣	華亭縣 在縣東北四 十里三保 七村 管里二 華亭 旗亭	華亭縣	華亭縣 管三十五保至三 十七保 管區八畧一百四 十八
華亭鄉	婁縣 管三十五保區二 畧一十六 三十七保區二 畧一十一					青浦縣 管三十五保區二 畧十四舊里二 村七 延壽 敦孝 吳江 崇道 舜鶴 蓮塘 臨成 按青浦分 縣將三十 五保附集 賢鄉
青浦縣	管三十五保區一 畧十今名海中 鄉					

卷一

十三鄉表

十四

<p>胥浦鄉          胥子 鑿所 名上 有祠</p>	<p>松江府志</p>	<p>修竹鄉          一名 谷陽</p>
<p>金山縣          管四保區四番二十三          五保區三番一十八          六保區二番二十</p>		<p>婁縣          管四十一保區四番三十二          四十三保區六番三十一          管四十一保區二番一十三          青浦縣          管四十一保區二番一十七今名          華上鄉四十二保區八番四十二          四十三保區二番一十五</p>
<p>華亭縣</p>	<p>卷一</p>	<p>華亭縣</p>
<p>華亭縣</p>		<p>華亭縣</p>
<p>華亭縣          在縣西南五里三保          九村          管里五          胥浦 壇步 平江 朱涇 治宅</p>	<p>十三鄉表</p>	<p>華亭縣          在縣西九十里三保十二          村          管里三          濮陽 儀鳳 驅塘</p>
<p>華亭縣</p>		<p>華亭縣</p>
<p>華亭縣          管四五六保          管區八番八十一          舊里五村九          花緒 義成 浦曲 海岸 永福 慕德 望湖 欽仁</p>	<p>十五</p>	<p>華亭縣          管四十一保四十二保          青浦縣          管三十八四十一四十二四十三保          管區十五番一百六十四番里三村十二          景全 望雲 掘利 金安 嘉禾 福全 降鶴 文欽 道興 鬱 花榮 鳳儀</p>

<p>風 涇 鄉  <small>風嘉 熙華 亭學 田碑 作楓</small></p>	<p>松江府志</p>	<p>新 江 鄉</p>
<p>婁 縣  <small>管一保區三畝二  十五  二保區一畝四  三保區二畝一  十二</small></p> <p>金山縣  <small>管二保區一畝六  三保區三畝十  五</small></p>		<p>卷一</p>
<p>華亭縣</p>	<p>十三鄉表</p>	
<p>華亭縣  <small>在縣西南六  十里三保  八村  管里三  風涇  涂繆  養民</small></p>		<p>十六</p>
<p>華亭縣</p>	<p>上海縣</p>	
<p>華亭縣  <small>管一二三保  管區七畝七十一  舊里三村八  永康 白鶴  戴 曲塘  安善 慶善  崇化 南魯</small></p>	<p>十六</p>	<p>青浦縣  <small>管三十保區二畝  十二  管四十三保至四  十六保區五畝  四十四舊里二  村十二  新江 新安  沈 許成  張 常安  永安 道成  道 永豐  興善 韓</small></p>



北亭鄉

青浦縣

管三十一保區二  
畝一十三  
三十三保區二  
畝七  
三十四保區三  
畝九今併華亭  
鄉稱海中鄉

華亭縣

華亭縣

在縣東北八  
十里四保  
十六村  
管里三  
崧子  
北亭  
封林

上海縣

青浦縣

管三十一至三十  
四保  
管區六畝二十八  
舊里三村十六  
興禮 江浦  
徐興 欽善  
安吳 法同  
候潮 徐安  
東袁 長平  
長林 仁孝  
萬 東王  
東蔡 東張

松江府志

卷一

十三鄉表

十七

海隅鄉

青浦縣

管四十七保區二  
畝九  
四十九保區四  
畝一十七今併  
新江鄉稱海中  
鄉  
五十保區八畝  
二十五今稱海  
上鄉

華亭縣

華亭縣

在縣西北九  
十里四保  
十一村  
管里二  
蘊土  
漢成

上海縣

青浦縣

管四十七至五十  
保  
管區八畝六十五  
舊里二村十一  
子傳 大盈  
曲盈 仁德  
仁和 時清  
順化 公勝  
內勳 涼月  
望江

高昌鄉

上海縣

管二十二保區二畝  
二十四二十三保  
區二畝十五二十  
四保區四畝四十  
一二十五保區一  
畝十六二十六保  
區二畝十一二十  
七保區一畝十四  
二十八保區二畝  
十四二十九保區  
二畝六三十保區  
二畝十一  
管二十二保區二畝  
十五又坐落塘內  
各畝帶丈東田

華亭縣

華亭縣

在縣東北一  
百二十里  
九保十五  
村  
管里四  
高昌  
盤龍  
橫塘  
三林

上海縣

上海縣

管二十二至三十  
保  
管區十三畝一百  
九十一舊里四  
村十五  
承福 歡樂  
順義 連榮  
麗青 利仁  
永泉 成德  
梅香 上德  
通濟 望仙  
人龍 淡井  
龍華

松江府志

卷一

十三鄉表

十八

長人鄉

上海縣

管十六保區三畝  
十四十八保區  
四畝三十二二十  
一保區三畝十六

華亭縣

華亭縣

在縣東九十  
里六保十  
二村  
管里三  
長人  
將軍  
高陽

上海縣

上海縣

管十六至二十一  
保  
管區二十畝二百  
八十六舊里三  
村十二  
水濱 鳳來  
思政 太平  
太安 長樂  
長茶 金忠  
衆善 利興  
袁 徐

一作  
長仁

南匯縣

管十六保區三畝  
八一 保區六  
畝三十一十九保區  
十二畝八十九二十  
保區四畝二十二  
十二保區一畝八

川沙廳

管十七保區一畝  
三二十保區四  
畝七

<p>白砂鄉</p>	<p>松江府志</p>	<p>仙山鄉</p>
<p>華亭縣          管十三保區二番          六          十四保區一番          四  <b>奉賢縣</b>          管十三保區五番          三十三          十          四保區四番三          十四十五保區          五番六十三</p>		<p>華亭縣          管七保區二番一          十四          八保區四番二          十四  <b>金山縣</b>          管七保區三番二          十四</p>
<p>華亭縣</p>	<p>卷一</p>	<p>華亭縣</p>
<p>華亭縣          在縣東南一          百二十里          三保十村          管里三          白砂          九林          橫林</p>	<p>十三鄉表</p>	<p>華亭縣          在縣東南三          十里三保          六村          管里六          仙山          顧亭          新涇          柘湖          少平          臨湖</p>
<p>華亭縣</p>		<p>華亭縣</p>
<p>華亭縣          管十三至十五保          管區八番一百四          十二舊里三村          十三          白沙          九稜          橫林          十義          道安          德升          思仁          永安          曲水          文興          歸化          仁福          陳</p>	<p>十九</p>	<p>華亭縣          一名昌唐七八保          管區五番六十六          舊里六村六          仙山          常滿          湖光          望湖          花林          可老</p>

雲	華亭縣	華亭縣	華亭縣	華亭縣
鄉	管九保區二番一 十五 十保區三番一 十六 十一保區二番 一十六 十二保區三番 一十一	在縣東南一 百里四保 十村 管里四 招賢 白苧 雲間 小平	管九保至十二保 管區五番十七番 里四村十	管九保至十二保 管區五番十七番 里四村十 招賢 習義 成慶 興福 安和 鶴鳴 思賢 招安 秦 平林
閒	奉賢縣			
	管十二保區四番 一十八			

松江府志

卷一

十三鄉表

二十

古鄉名

北平鄉 案唐咸通顧府君碑曰啓手足於蘇州華亭縣  
北平鄉崧子里之私第紹熙雲閒志以為北平即北亭  
鄉北亭管里有崧子里

莞沼鄉 案唐中和戴府君墓誌曰窆為吳郡東南華亭  
縣北廿二里去張管墩五里莞沼鄉城山里進賢村以  
今道里計之當在集賢鄉內

全吳鄉 案唐黃池縣令朱氏墓碑曰葬於崑山縣全吳  
鄉孔子宅之西南孔子宅在今青浦縣界碑稱崑山者  
當在唐未置華亭時也全吳鄉今崑山縣有之未詳割

隸年月

昌唐鄉 案唐邱府君墓志曰葬昌唐鄉雲間志曰以道里考之昌唐今仙山也

谷陽鄉 案至元嘉禾志修竹鄉本谷陽鄉

齊景鄉 案唐吳郡陸府君夫人周氏墓志曰祔於嘉興東界海鹽縣齊景鄉青墩原九域志曰華亭有浦東袁部青墩三鹽場則青墩當為華亭地

鎮市

華亭縣

亭林 在十保府東南三十六里原名顧亭林梁顧野王

松江府志

卷一

疆域志

二十一

鎮市

故居在焉鎮之寶雲寺是也有讀書堆東庵烽堆樓基諸蹟舊置金山巡司於此鎮有墨池楞嚴塔八角井別牙松仙人洞覽翠樓松雲碑與讀書堆為八景

明貝瓊詩 野王讀書處一曲鎖風煙客記蕭梁日

僧談石晉年黃金曾布地滄海復成田遺構丹青落

回頭一惘然 又出亭林道樓臺尚自疑無邊春草

色不定野雲姿未就龐公隱空懷惠遠期飄飄何所

適重擬  
結茅茨

張涇堰 一名張溪在七保府南五十里宋人堰海十八所之一明初設稅課局旋廢洪武初置金山巡檢司十九年徙駐華亭界胡家港堡分金邑後覺海寺至夏家街屬華亭餘屬金山

張澤 在十保鎮有木梁甿廬稠密稱繁庶云

葉謝 在八保縣東南五十里以二姓居此得名居民稠密商賈輻湊舊有稅課局久廢鎮西有木梁橫互浦尾有水月庵眞武閣舊志載咸通月河咸源濟衆興隆等五橋皆在鎮云

明顧祿葉謝道中詩 月落雞鳴酒半消舟人催起趁春潮梅花紙帳山房靜輸與閒僧睡日高

柘林 在十二保府東南七十二里地連柘山故名右距戚睦涇漕涇爲海人輻湊之處

漕涇 在十二保明包侍御節與弟孝讀書於此地近海塘

松江府志

卷一

疆域志

二十二

鎮市

國朝雍正間移縣丞駐此

莘莊 在三十六保一名莘溪北鄰七寶南近烏泥涇宋葉夢得之孫葉李元時贅居於此後遂家焉

沙岡 在三十六保府東北四十里古三岡之一通志云入土數尺皆螺蚌殼世傳海中涌三浪而成今市北數里下皆黃沙鄉人甃砌咸需之

奉賢縣

青村 在十五保一名青林嘉禾志作墩明洪武十九年築立中前千戶所以禦海寇分邑後置縣治於此

青村港鎮 在十五保一名青溪距縣治十里分邑後舟

楫往來如織百貨聚焉廛閭之盛遂冠東鄉諸鎮

陶宅鎮 在十五保有著姓陶氏家焉故名袁海叟有兵

後大醉陶輿權宅詩有巡檢司稅課局久廢元末楊漁

溪李稼翁華雲林姚愚默寓隱於此賦陶宅西湖晚色

南園霽景道院幽棲園橋縱步東庵華表北宅故墟鎮

樓更鼓市港漁燈八景

國朝黃之雋故居在焉

明鍾薇陶溪舊址記略陶申浦上下勝國時陶宣車  
去大海十餘里溪水與春申浦上地以人重也洪  
面流而居故其溪曰陶宅陶宅地以人重也洪  
武初載專設陶宅巡司於鎮之東袁海叟先生集有  
陶宅務大使謝廷蘭即其巡司也陶饒於資北宅千  
竈珠履三千鐘鳴會食擊鼓傳更其嗣輿權樹表迎

松江府志

卷一

疆域志

二十三

鎮市

鶴築館求仙園鎖煙雲湖集歌舞臻於四先生幽  
舉漁火以清市塵遐邇而資籍縣官矣第宅邱墟諸  
樓焉輿權尋以豪奢院與園橋耳四先生故於文  
勝銷歇今所存者道院槩見獨陶詠之西章翁里  
字世邈游經兵燹居貫里在陶之北僅四五里  
猶能道之蓋海叟賦傳為盛事而海叟之門孫張  
許數過輿權飲酒賦詩為陶總詠膾炙人口故四光  
東海先生為陶里其人陶詩傳為陶總詠膾炙人口故四光  
先附兩先生而傳也嗟乎海叟稱膾炙人口故四光  
拙保身四先生而傳也嗟乎海叟稱膾炙人口故四光  
曰道哉余結廬南園雖餘芬尚存而園橋搖落春風  
明月臨橋觀眺可勝軫慨俯思乞言偉人以爲四先  
先元晏則麗詞庶遠而陶之濱得  
與瀟湘齊聲矣漫次其事以當雁云  
元四先生陶溪八詠其一西湖秋色雁雲  
光遠涵落月影蒼蒼一柳林藏靄兩岸人家瓦  
疊霜黃帽舉帆離夜泊青娥開鏡整晨妝奢公子  
宴方罷紅色猶憐照滿堂南園霽景上園林  
觸目鮮紅猶憐照滿堂南園霽景上園林  
烘花欲然古檜當軒纓絡墮松跨道翠屏聯昔日暖

喬木多搖落獨有遺芳越世傳道院幽棲淨白  
 清虛羽客留純陽靈境似丹邱紅塵不到石檀雲浮  
 鶴常來松徑幽幾局棊敲年來兩鬢秋爐香蕪素雲  
 我慚未得長生訣不覺園林景物饒紅映曲欄花  
 乘閒縱步徑草天翹方來美景易為樂已過韶華  
 遠綠連斜瘦筇凝睇久柳風輕拂翠煙消東庵華  
 再招獨倚溪在夜臺前雙桂亭曾照知何代仙鶴  
 表出陶淵溪山骨上擎天老狐曾照知何代仙鶴  
 原憶往年草徑已荒人己杳佳城千載只依然鶴  
 歸故墟鐘鳴鼎食富人杳佳城千載只依然鶴  
 宅基來壘鐘鳴鼎食富人杳佳城千載只依然鶴  
 荒基來壘鐘鳴鼎食富人杳佳城千載只依然鶴  
 客留情每歎荆棘滿前喬木盡倍增惆悵日西斜  
 鎮鼓更樓嗟荆棘滿前喬木盡倍增惆悵日西斜  
 初敲頓覺市塵靜漫擊方知更漏長砧韻高低傳  
 館螢光明滅度鄰牆幽人何事不成寐聲到枕邊風  
 露涼市港漁燈橋下漁燈照渺茫水門落月影  
 蒼蒼癡龍戲寶波騰耀老蚌含珠夜吐光亂走霜  
 來曲徑遠飛沙雁過橫塘罩頭  
 童子喜相報又得鱸魚三寸長

松江府志

卷一

疆域志

二十四

鎮市

明袁凱賦陶輿權雲所二首徐隴上時相逐溪邊或  
 老居履花初冉冉度水亦徐隴上時相逐溪邊或  
 自鉏猶能作霖雨沾灑及鄰墟陰近牀衣欲冷拂石  
 亦無心埜樹留餘潤春花覆遠陰近牀衣欲冷拂石  
 坐還深為問陶宏  
 景何如隴上吟  
 張弼陶溪八景總詠  
 去空華表北宅春來長綠莎聽出  
 黃昏樓上鼓隔溪漁火對漁歌

泰日橋鎮 在十五保街長互南北中貫運鹽河民居隔

河相望亦東北一巨鎮也

東新市 在十五保明御史宋賢因鄉民貿易不便拓舊

居成市以通商賈之遠者又有西新市在法華橋東

南橋 在十三保一名南梁直北有橋傍橫涇曰北橋古



亦鎮也有大岡路直達二橋長四十餘里中阻黃浦亦嘗構梁卽鄉人誤爲黃土橋者詩人陳藏一嘗隱於斯元時設有南橋務南橋稅課局明初廢今其地有南橋巡檢司

國朝黃之雋過南橋詩 三女岡前寺奉賢新縣居孤篷於此泊喬木不如初瀉薄染城市縱橫驕役胥吾仍欲東去風雨蔽先廬 時析華亭東境爲奉賢縣已歷兩令尚未建署今寓寺中

蕭塘 在十三保一名秦塘相傳秦始皇東游望海由此塘而南故名後蕭姓居此漸成市集遂改今名鎮有崇福寺爲宋衛文節涇故宅葉以清吳景元隱居於此宋瑛宋璫兄弟科名相繼今其地爲府治由黃浦取道縣

### 松江府志

#### 卷一

疆域志

二十五

鎮市

#### 治之口

莊家行 在十三保瑁湖涇東南橋西居民繁稠布縷充斥耕讀相半頗稱饒樂鎮人莊姓聚族於斯故名

高橋 與縣治相近爲錢學士金甫故里

#### 婁縣

楓涇 在一保因鄉名鎮一曰白牛蕩陳舜俞所居也宋置驛以通秀州今爲浙江界首其南之半屬嘉善縣順治初以形家言於東柵築塌以堰水鎮人科第相繼商販旅集至今稱蕃庶焉

瞿佑過風涇詩 雨餘新綠漲橫塘紅板橋邊矮粉牆知是清明時節到鞦韆一架倚垂楊

金景西懷風涇詩 白牛塘上酒旗中南北長橋卧  
綵虹煙寺曉鐘蕉葉雨水晴樓檻落花風衣冠文物  
聲名藹舟楫漁鹽利澤通東望  
雲間酬二陸舉杯南向酌宣公

泗涇 在三十八保以塘水名亦曰會波村元末陶宗儀

南村草堂在焉故自稱泗濱老人孫道明亦其里人也

鎮北土中有卷石挺起世謂之張管山蓋九峯之支絡

矣東屬婁西屬青浦

袁海叟望南村詩 野水縱橫不計深雜花前後自  
成園魚蝦欲上人人取烏鵲歸來處處喧但得茅茨  
容老大卽將耕鑿付兒孫淮南  
未定江南亂潦到無歸卻斷魂

七寶 在三十五保七寶故庵也初在陸寶山後吳越王

賜以金字藏經曰此亦一寶也因改名七寶後徙於鎮

松江府志

卷一

疆域志

二十六

鎮市

遂以取目蒲匯塘貫鎮而東割橋爲界其北隸青浦

祥澤 在三十八保世謂之塘橋明魏尚書驥爲松江校

官有嘗新稻感懷塘橋張氏竹泉東軒輩詩張蓋著姓

也初祥澤視泗涇爲巨鎮自改築北塘橋祥澤遂裁而

泗涇特盛二鎮互爲盛衰云

北錢 在四十一保石湖塘上與南錢相望蓋一姓分居

成聚也

五舍鎮 在四十一保亦曰滄沙以吾彥故居得名吾五

蓋音轉而誤鎮有五舍明王廟卽祀彥也

張莊鎮 在四十一保

橫山鎮 在橫雲山下

天馬山鎮 在四十三保周氏瞿氏居之橫山崑山皆依山成落而天馬為大

崑山鎮 在四十三保

沈港 在四十三保南連長泖北接青浦界首其地魚梁蝦市饒水族焉

金山縣

朱涇 在四保府西南三十里一名珠溪胥浦鄉之里元置大盈務於此今廢南遵水道海鹽北由李塔匯而至  
府治

松江府志

卷一

疆域志

二十七

鎮市

國朝雍正五年建太平倉於鎮之東南其後邑令遂泣治於此鎮有泖橋巡檢司

呂巷 在四保一名璜溪元時呂良佐創應奎文會招來儒彥子恂從楊維禎遊有鐵硯齋記地以呂名有太平寺松風閣玉秀橋心庵諸勝皆宋時建謝國光安節亭亦在焉

貝瓊詩	白首事章句不登金馬門空名苦為累遂
枉三聘煩一瓢雖屢空五鼎非所存願偕田父遊卜	
宅溪南村霜寒收柿栗日暮散雞豚去矣從吾好得	
與巢父論	
袁海叟寓居璜溪詩	高林深處氣冥冥野色波光
更滿汀草閣雨晴鳴翡翠花畦暖入蜻蜒書成已	
與山公絕賦就惟教阿買聽猶未	
忘情是杯酒尚煩鄰里致益瓶	

張涇堰 詳見華亭

松隱 在七保一名松溪舊名郭匯元至正間僧德然參石屋禪師珙書松隱二字示之遂以名其庵明景泰中賜額爲寺鎮名本此

北倉市 在七保市有浦東鹽場大使署

干巷 在六保一名干溪舊名干將里相傳干將曾居此鎮明季曹彥明隱居於此

西倉市 在六保市有橫浦鹽場大使署

南陸市 在五保呂巷東南元高士陸居仁居此故名

姚家廊市 在五保呂巷之南姚氏世居於此

松江府志

卷一

疆域志

二十八

鎮市

楊巷市 在五保

興塔市 在二保舊有興塔院故名諺云興塔無塔卽其地也

韓家塢市 在三保朱涇西北與婁接壤

小官鎮 一名篠管距張堰南二十里浦東鹽司舊在張堰與牢盆相遠別建官衙於此鎮以是名明洪武十九年築城立金山衛於此禦海寇遂爲重地云

上海縣

龍華 在二十六保以龍華古刹得名五代錢鏐時建漕河涇環其南蒲匯塘抱其北居黃浦大灣中西行里許

張氏居之號龍華張氏

顛橋 在三十六保西北半屬華亭

北橋 在十八保與莘莊接

閔行鎮 在十六保橫瀝東正德己卯庚辰大水橫瀝沙

竹二岡獨稔災鄉多從貿易市始知名明史張經傳作

閔港亦作敏航南枕黃浦橫瀝環之明倭寇時屯兵守

此籌海圖編江南經略皆以此處爲渡浦入府通衢府

城捍衛稱要地洪武十六年設黃浦巡檢司於此

國朝因之

吳會鎮 在十六保本名吳匯以指吳會於雲間語易今

松江府志

卷一

疆域志

二十九

鎮市

名元置鄒城巡檢司有塔廟卽淨土寺也地接瓶山山  
皆瓶礫宋時酒庫所遺

東溝市 在二十二保

高行市 在二十二保今半屬川沙明時有奚家行在今

市東久廢

高橋鎮 在二十二保北半屬寶山

塘橋鎮 在二十四保縣東五里董家渡東爲南匯川沙

孔道

三林塘 在二十四保昔東西塘有大姓林氏聚族於此

故名

引翔港 在二十三保地近海口爲警防要地

法華鎮 在二十八保以法華寺名吳松巡檢署在焉

諸翟巷 在三十保以二姓得名俗呼諸地上其西屬青

浦嘉定亦作紫隄

烏泥涇 在二十六保界華上兩縣間嘗有田父得古碑

地名寶賢里通志云宋季張百五居之富埒侯伯元至元間張瑄以海運隆顯治第其中後又有張有錢居之邑之倉廩具貯於茲以故人民盛於他鎮其後所存惟巡稅二司南北兩插稅名蘆子者地近滬瀆俗所謂蘆子城也王逢避地隱居於此

松江府志

卷一

疆域志

三十

鎮市

梅源市 在三十保俗名王庵王圻藝梅處昔人比之小

鄧尉

南匯縣

下沙 在十九保一名鶴沙宋丞相吳潛侍父讀書處舊有鹽課司後遷新場而鹽倉則自周浦徙居之

新場 在十九保距下沙九里一名石筍里一名南下沙元遷鹽場於此故名場賦爲兩浙最是時北橋稅司杜浦巡司皆徙於此歌樓酒肆賈術繁華縣未過也宋元祐初里士瞿時彥嘗訪吳潛讀書處營置義學旋廢其地有葉閔張朱爲鎮望族

杜家行 在十九保明祁國公裔杜自然從杜浦遷居聚族於此

三竈鎮 在十九保周氏世居於此

北泰日橋 在十九保明陸文旺富豐莊故址東西約一里跨北四竈港

六竈鎮 在十九保東去護塘數里

召稼樓 在十九保明談田建樓以召耕旅故名今廢

撥賜莊 在十九保杜家行南三里宋元時稱巨鎮詳見古蹟

沈莊 在十九保相傳元末富人沈萬三秀莊

松江府志

卷一

疆域志

三十一

鎮市

航頭鎮 在十九保明時有鹽倉名斜角倉商牙多聚於此

周浦 在十七保一名杜浦鶴坡在其右宋末詩人儲泳家焉元置下沙鹽場杜浦巡司於此分縣後爲漕倉水次稱巨鎮

陳家行市 在十七保明洪武間陳彥成居此

橫沔 在十七保依橫沔港北爲洪橋港一名沔溪

北蔡 在二十保舊有大姓蔡分居成聚如婁之南北錢云

張江柵 在二十保

一團 距新場二十里商鹽多聚於此

鶴坡市 在二十一保今廢

青浦縣

唐行鎮 在五十保控澱湖為吳門要衝元時有大姓唐

氏居此商販竹木遂成大市其北岸橫柳故稱橫溪縣

之水次西倉在其北北倉又以鎮名明萬曆元年復設

青浦縣移治於此

夏原吉夜泊詩 雲間西北唐行鎮夜半經過月滿

船三百青蚨欲沽酒恐驚雞大惱人眠

徐階橫溪詩 橫溪東去水迢迢虛閣重檐共寂寥

山外夕陽低度鳥雨餘春渚暗通潮寒空落葉書聲

靜秋浦孤帆客夢遙欲從西

湖湖上石為君乘月更吹簫

松江府志

卷一

疆域志

三十一

鎮市

朱家角 在五十保又名珠街鎮西南通泖湖東北接三

分蕩而漕港互其北連崑山縣境自明陸樹聲後文儒

輩出商賈貿易甲於他鎮故移安莊巡檢司於此

泰來橋 在唐行南鹹魚港上自宋元來人煙稠密仕族

曹氏家焉水北尚有土壟為其家山三阜離立一水滌

洄高見泖塔市中飛梁對峙有東西庵院介於其間

杜家角 在五十保琴村浜西南

古塘橋 在五十保

小蒸 在四十一保一名貞溪其西十里有漢濮陽王墓

甚高大不生螻蟻相傳築墓時蒸土為之故名大蒸有



小墓亦然名小蒸地挹九峯三泖之勝

按蒸上二字見十六國春秋餘

未見前後漢書亦無濮陽王之封舊志所載恐未確

宋進士曹應符世居於此其

後子孫繁衍邵桂子娶於曹亦家焉

邵亨貞貞谿初夏詩雨後林深竹筍肥渡頭風急  
 柳花飛柴門不掩綠陰靜人在閒窗試苧衣綠陰  
 桑柘滿高原白水蒹葭接遠村江上人家無俗事輕  
 舟載網過柴門巡檐燕子掠晴絲隔隴茶煙出院  
 遲草色入簾人不到午風吹暖夢回時春水初收  
 露淺沙野人相見問年華芒屨竹杖前村路煙樹深  
 深叫乳鷓棟花風起漾微波野渡舟輕客自過沙  
 上兒童臨水立戲將萍葉飼黃鷺巷巷縑車桑繭  
 熟村村社鼓賽神迴鶉鳩聲  
 在樹陰裏花下柴扉晝不開

崧宅市 在四十六保唐行東南宋免解進士盛時賦稱

章廟高塔魍魎崧宅親臣巨室鄰燭輝赫今皆蕭條惟

松江府志

卷一

疆域志

三十三

鎮市

此市廛曰闢商販交通耳

陸文裕公深崧宅辯略松宅非崧宅也予嘗遊焉  
 九峯聯絡其前吳松江之流蓋一澤也阜隆然相  
 地窪而土洳實松江之名退而讀晉史隆安四年崧以  
 傳為晉袁崧宅遂以名退而讀晉史隆安四年崧以  
 吳國內史築滬壘明年孫恩陷滬崧遇害史不  
 列之名死事傳蓋諱之也於袁環傳中曰崧且二  
 其名以識史家之深意不然晉宋六代避諱特甚焉  
 曰崧之後就居於此故名夫晉宋六代避諱特甚焉  
 有子孫居其地而敢以祖父名之乎是非附名於崧  
 言松者若松子里之類皆因于松以名是非附名於崧  
 也然則機雲以後名者亦盡與曰是殆其鄉人之  
 志而名世實惟鄉榮所為也夫機雲之死並非命  
 文章名世實惟鄉榮所為也夫機雲之死並非命  
 深惜才懷惠之人眷眷於山川桑梓者情也亦實甚  
 若崧者上豈得與諸陸伍下豈得與二俊班耶故曰  
 松宅非崧宅也舊本名崧澤耳故今其地水屢為災  
 周文襄公嘗欲經理之名崧澤耳故今其地水屢為災  
 之予蓋聞諸故老云

白鶴江市 在四十六保一名新市其地上海嘉定南北  
雜居焉

青龍鎮 在四十五保一稱龍江孫權造青龍戰艦於此  
故名唐因控江連海置鎮防禦宋政和閒改曰通惠後  
復舊名設監鎮理財鎮有學有倉水陸巡司茶場酒務  
為海舶輻輳之地人號小杭州自韓世忠屯兵於先陳  
友諒率苗兵平吳於後勝槩十不存一已而市舶之區  
徙於太倉此地遂鞠為茂草潮淤水涸民業漸衰嘉靖  
初嘗建縣於此不久尋廢今則坊橋之勝蓋罕有存矣

宋迪功郎應熙青龍賦 粵有巨鎮其名青龍控江  
而淮浙輻輳連海而閩楚交通平分崑岫之蟾光夜

松江府志

卷一

疆域志

三十四

鎮市

猿啼古木占得華亭之秀色曉鶴唳清風咫尺天光  
依稀日域市廛雜夷夏之人寶貨當東南之物謳歌  
嘹亮開顏而莫盡歡欣闐闐繁華觸目而無窮春色  
寶塔懸螭亭橋架霓臺殿光如蓬府園林宛若桃谿  
儷梵宮于南北麗琳宇于東西綺羅簇三島神仙香  
車爭逐冠蓋盛五陵才子玉勒頻嘶杏臉舒霞柳腰  
舞翠龍舟為海內之盛佛閣為天下之雄騰蛟踞虎  
嶽祠顯七十二司之靈神闕里觀書鎮學列三千餘  
名之學士龍江樓四宜樓隨寓以得最勝果寺圓  
通寺遺俗慮以忘憂傳王叟之目書鎮學列三千餘  
光之顯蹟石刻堪求若庭叟之目書鎮學列三千餘  
桂子欺龍麝萬樹梅花傲雪霜觀湧江湖之勢浪  
若傾山尋芳菲野景之奇花如潑血凝眸綠野酒旆  
頻招醉豪商于紫陌美無限逍遙奇哉聖母池異  
幾多風景回首江南市上無限逍遙奇哉聖母池異  
矣觀音殿曾聞二聖之感應曾衛高皇之危急猗歟  
美哉惟此人傑而地  
靈誠非他方之可及  
宋梅聖俞龍海上觀潮詩  
百川倒壺水欲立不  
久却迴如鼻吸老魚無守隨上下閣向滄洲空怨泣

摧鱗伐肉走千艘骨節專車無大及幾年養此膏血  
軀一旦翻為漁者給無情之水誰可憑將作尋常自  
輕入何時更看弄潮  
兒頭戴火盆來就濕

鳳山鎮 在三十八保鳳凰山下濱溪而聚昔張瑄通顯

經始慶壽僧廬最得形勝旋廢東通錦溪橋西連費榮

敏墓元時篁木茂美為郡人春遊之地

陶九成過過錦溪橋詩 錦溪橋下水平溪楊柳條長  
拂岸齊參政寶坊歸幻劫右丞先壟可悲悽漁船桂  
楫雙雙短酒店茆簷處處低市井  
荒涼風景異老鴉啼過亂雲西

廣富林 在三十八保一名皇甫林後帶九峯前迤平疇

自明曹節庵居此陳黃門繼之地益增重近邑人王昶

陳廷慶建陳夏二公祠於此

松江府志

卷一

疆域志

三十五

鎮市

天興莊 在三十八保潘蕩之西東通柘溪塘西通諸家  
塘

劉夏 在三十八保

佘山鎮 在三十八保地多園林春夏之交游人四集畫

船簫鼓往來中流殆無虛日

辰山鎮 在三十八保南通廣富林東連佘山林木蔥蒨

村民夾水而居亦為春時游憩地

泗涇 詳見  
婁縣

北七寶 在三十五保左為橫瀝前臨蒲匯塘商賈必由  
之地舊有南北二寺皆稱七寶此居其北故名南屬婁

以蒲匯塘爲界

金澤 在四十二保地接泖湖稽人獲澤如金故名舊置  
巡司於此

楊扇 在四十二保宋南渡時楊慶二耕讀於此後子孫  
繁衍故名

雙塔 在四十二保商人往來蘇松爲適中之地至夕住  
此停榻故名商榻鎮人多駕船爲生又名雙塔船

王巷 在四十二保與雙塔近

黃渡 在三十一保臨吳松江上北岸屬嘉定俗呼新街  
商販頗盛

松江府志

卷一

疆域志

三十六

鎮市

楊林市 在三十一保吳松江北

盤龍鎮 在三十四保地瀕松江續吳郡圖經吳松江有  
盤龍匯界於華亭崑山之間步其徑纔十許里洄沿迂

緩逾四十里勢如其名卽宋葉清臣疏渠以洩水處

沈巷

詳見  
婁縣

北簞山鎮 在四十四保簞山西西至崧宅南界華亭

郊店 在四十四保

魍魎 在四十五保

艾祁 在四十五保產羊耳多兩環

章練塘 在泖西鎮舊有劉姓善釀酒頗爲時所尚

趙屯 在四十九保趙屯浦上舊有巡司今裁仙人王可  
交升仙臺在其處又名漢城里相傳宋高祖南渡曾屯  
兵於此

金家橋鎮 在四十九保

杜村市 在四十七保宋杜祁國後人卜居於此市以村  
名

川沙撫民廳

八團 在十七保

王家港鎮 在二十保

高行市 在二十二保半仍屬上海其著姓爲黃氏

松江府志

卷一

疆域志

三十七

鎮市

曹家路鎮 在二十二保

顧家路鎮 在二十二保

九團 在二十保

松江府志卷二終